

# **SECZIUN PÉZ AULT**

PROTOCOL DALLA RADUNONZA GENERALA

DILS 02-02-2024 ALLAS 20.00 URAS

ELL' AULA A VELLA





---

**Tractandas:**

1. Beinvegni ed elecziun dils dumbbravuschs
2. Approbaziun dils protocols dalla radunonza generala dils 27-01-2023 e la radunonza da secziun dils 21-04-2023
3. Rapports annuals
4. Rendaquen dil cassier, rapport annual dils revisurs ed approbaziun dil quen annual
5. Fixar las contribuziuns annualas
6. Prender conclus davart propostas permauns dalla Suprastonza centrala dalla Uniun da catschadurs cantunala
7. Approbaziun dil program annual
8. Honoraziuns / mutaziuns
9. Elecziuns per ina perioda d'uffeci da dus onns
10. Elecziun dils delegai dalla secziun per il cuoz d'in onn
11. Diversas informaziuns
12. Varia



## 1. Beinvegni ed elecziun dils dumbravuschs

Il president Martin Mark arva la radunonza allas 20.00 uras e fa a tuts presents in cordial beinvegni. In special beinvegni va al survigilader da catscha Arnold Caminada.

**Presentis:** 26 commembers / commembras

**Perstgisas:** Iso Caduff, Marco Blumenthal, Selina Camenisch, Enrico Casanova, Pirmina Caminada, Marina Caminada, Samuel Caviezel, Erwin Derungs, Laura Casanova, Conrad Capeder

Las tractandas vegnan approbadas tenor l'invitaziun. Il president constatescha che la radunonza ei habla da decider. Ils candidats han negin dretg da votar.

Sco dumbravuschs vegnan Pius Lombris ed Adrian Casanova proponi ed eligi unanimamein.

## 2. Approbaziun dils protocols dalla radunonza generala dils 27-01-2023 e la radunonza da secziun dils 21-04-2023

Ils presents han neginas objecziuns ni completaziuns enviers ils protocols, ils quals vegnan approbai unanimamein. Il president Martin Mark engrazia all'actuara Vanessa Derungs per ils protocols.



### 3. Rapports annuals

#### President:

Preziai catschadurs, preziadas catschaduras

La secziun ha entschiet il niev onn, sco usitau, cun la radunonza generala ils 27.01.23.

Ils 4 da mars sundel jeu staus alla radunonza da presidents che ha niev liug a Castisut, nua ch'igl ei vegniu informau, denter auter, sur dils resultats dil questiuari „ co vinavon cun la catscha grischuna“. Quels ein pli tard era vegni publicai el catschadur grischun.

La radunonza dil district da primavera ha giu liug ils 12 d'avrel a Glion. Tier quella ei vegniu votau sur dallas propostas permauns la radunonza da delegai e plinavon eis ei stau dad eleger in niev president, cau da tgira, cassier ed in assesur. Ils 13 da december ha la nova suprastonza beneventau nus a Castrisch tier la radunonza dil district.

Il gi da tgira havein fatg ils 22 d'avrel a Morissen.

Venderdis ils 28 d'avrel havein giu la radunonza da secziun e l'auter gi havein astgau s'entuppar per la sera da catschadurs. Quella ha giu liug a Cuschnaus, nua che l'uniun da giuventetgna Morissen ha surviu si nus. In grond engraziel ad els per lur lavur. Quella sera havein astgau honorar nos veterans e commembers libers. Plinavon havein giu la raganzion dil tir intern.

Cun ils resultats dalla radunonza da secziun essan Marius Hublard, Flurin Caduff, Claudio Bühler ed jeu stai alla radunonza da delegai che ha giu liug ils 13 da matg a Trimmis. Nus havein passentau in bellezza gi cun ina grondiusa tscheina.

Ils trenaments da sittar ha mintga commember saviu far naven da il matg entochen fin uost. Il tir intern havein puspei menau atras en dus gis, numnadamein ils 29 da fenadur ed ils 4 d'uost. A quel han 50 tiradurs e tiraduras priu part.

Naven digl uost sentan ins che la catscha ei buca pli schi lunsch naven, il stan da sittar ei da mintga exercezi occupaus ora dil tuttafatg. Aschia ch'ei drova empau pazienza da mintgin. Il marcau da daniev ha giu liug a Cumbel. Cunquei che negins commembers ein da leu havein nus buca fatg ina bar. Denton ha ei segir giu loghens nua ch'ils catschadurs han saviu sediscuorer sur dil passau ed il futur.

Sco davos engraziel a mes consuprastonts e consuprastonta per lur buna e premurada lavur per nossa sécziun. Igl ei stau fetg emperneivel da luvrar ensemen cun vus.

Morissen, schaner 2024

Il president Martin Mark

Il rapport vegn appropaus cun in grond applaus. L'actuara Vanessa Derungs engrazia al president Martin Mark per sia premura e buna lavur.

**Cau da tgira:**

Prezias consuprastont prezias catschaduras, prezias catschadurs

Per quei onn vai jeu giu ina candidata ed in candidat per far tgira. Lorena Cadelbert ed Claudio Büeher han fatg grondiusas lavurs. Bu mo ils candidats han fatg buna lavura denton era ina part da vus.

Ella tgira havein nus encasau dil cantun biabein 2000 Fr. Projekts dalla vischnaunca Lumnezia 2300 Fr. Ed sagar da privats han dau 1400 Fr. Per tut quellas lavurs havein nus surgniu 5700 Fr. Il gi da tgira comunabel han en tut 19 persunas priu part. Nus havein giu in projekt si Morissen dalla vischnaunca. Neua che nus havein teniu liber largias en ina plontaziun.

Jeu vul engraziar a vus per il engaschi da tgira per la selvaschina ed la secziun Péz Ault. La tgira ei fetg impurtonta per mantener in bien diember da selvaschina che nus havein en nossa valadas.

Sco quall in sa ha jeu dau giu suenter 6 onns miu uffezi sco cau da tgira. Jeu les engraziar a tut las catschaduras ed catschadurs che han sustegniu la tgira dalla secziun.

Sin seveser

Daniel Solèr

Uors, 27.01.2024

Il rapport vegn approbaus unanimamein ed il president Martin Mark engrazia al cau da tgira Daniel Solèr per sia buna lavur.

**Cau dil stan da sittar:****Sesiun 2023**

La sesiun da tir ha entschiet la fin da matg. En tut han 12 occurrenzas d'exercezis giu liug. Il tir intern 2023 ha giu liug ils 29 da fenadur ed ils 4 d'uost. Separticipai ein 50 tiraduras e tiradurs. En cumparegliaziun cugl onn vargau, resta il diember constants.

**Munizium**

Il prezi da munizium ei staus pli u meins tuttina sco igl onn vargau.

**Cuors capotiradur**

Legreivlamein han dus da nos commembers absoviu il cuors da capotiradur, numnadamein Conrad Capeder e Lucas Caduff. Ad els cordiala gratualaziun e bien engraziament per la lavur en favur dalla secziun.

**Lavurs da manteniment**

Tier las schibas han tschun motors electricis stuiu vegnir remplazzai.

Durant la sesiun da tir han il cau dil stan e siu substitut cun denteren entgins gidonters segau igl areal entuorn il stan da sittar.

**Lavur cumina**

Lavur cumina ei vegniu fatg ils 20 da matg, igl 1. da fenadur ed ils 5 d'uost. Igl ei stau oravontut lavur da schubergiar, segar e rugalar la seiv. Plinavon ei vegniu fatg uorden, priu ora il plum dils pegliaballas e rugalau naven il stan per igl unviern.

Separticipadas ein 16 personas. Sco usitau ein differents separticipai pliras gadas. Entgins han fatg diever dallas atgnas maschinas. A tuts, bien engraziament persuenter.

**Engraziament**

La collaboraziun cun ils responsabels per il stan da sittar ha funcziunau bein. Ils plans da lavur ein vegni teni en pulit.

Nus essan visai sin buns gidonters che prestan adina puspei lavur cumina ni segidan autr'uisa. In grond engraziament ad els per la fideivladad e per la buna lavur prestada.

*Il cau dil stan*

*Samuel Caviezel*

Vrin, schaner 2024

Il rapport vegn approbaus unanimamein. Il president Martin Mark admetta in grond engraziament al cau dil stan da sittar Samuel Caviezel per sia buna lavur.



#### **4. Rendaquen dil cassier, rapport annual dils revisurs ed approbaziun dil quen annual**

Nies cassier Dario Caduff presenta per la davosa gada il quen annual als presents. Il quen annual digl onn 2023 terminescha cun entradas da 41'341.94 francs ed expensas da 36'902.53 francs. Aschia seresulta in plus da 4'439.41 francs.

Ils revisurs da quen Alexi Derungs e Marcel Casanova han controllau il quen annual. La contabilitad seigi stada menada fetg schuber e tut ils mussaments necessaris seigien avon maun. Els engrazian a Dario Caduff per sia grondiusa lavur. Il revisur da quen Marcel Casanova propona d'approbar il quen.

Nies president Martin Mark engrazia a Dario Caduff ed era als dus revisurs da quen per lur buna lavur. Sinaquei vegn il quen digl onn 2023 approbaus unanimamein.

#### **5. Fixar las contribuziuns annualas**

Il president presenta cuort las contribuziuns annualas che valevan tochen dacheu:

Commembers A: 110 francs

Commembers B: 65 francs

Commembers passivs: 60 francs

La suprastonza propona da schar las contribuziuns annualas sco fixau da niev igl onn vargau. Tut ils presents ein d'accord da mantener las contribuziuns annualas sco tochen da cheu.

#### **6. Prender conclus davart propostas permauns dalla Suprastonza centrala dalla Uniun da catschadurs cantunala**

La suprastonza ha neginas propostas permauns dalla Suprastonza centrala dalla Uniun da catschadurs cantunala. Ei dat era neginas propostas ord las retschas dils presents.



## 7. Approbaziun dil program annual

Il program annual provisoric ei publicaus sin la pagina d'internet dalla secziun.

### Program digl onn 2024

- **02-02-2024** radunonza generala a Vella
- **02-03-2024** radunonza da presidents a Casti
- **09-03-2024** sera da catschadurs ad Uors
- **17-04-2024** radunonza dil district a Glion
- **20-04-2024** di da tgira (di da reserva: 27-04-2024)
- **26-04-2024** radunonza da secziun, stan da sittar
- **25-05-2024** radunonza da delegai a Cazis
- **matg - uost** trenament da sittar, responsabel: Samuel Caviezel
- **27-07-2024** fir intern
- **02-08-2024** fir intern
- **december** radunonza dil district
- **fin december** marcau da Daniev a Vrin
- **31-01-2025** radunonza generala a Vella

Il program digl onn 2024 vegn approbaus unanimamein.

Era auters commembers astgan accumpignar il president allas radunonza da presidents ni dil district, sch'els han interess.





## 8. Honoraziuns / mutaziuns

### Honoraziuns

- Commembers che completeschan egl onn current (2021) 60 onns e ch'ei sil pli pauc 25 onns senza interrupziuns commembers dall'uniun cantunala, daventan veterans dall'uniun cantunala, quei ein: Gionin Caduff Vattiz, Marcel Caminada Uznach, Isidor Derungs Degen
- Commembers ch'ei sil pli pauc 25 onns senza interrupziuns commembers da nossa secziun, daventan veterans da secziun, quei ein: negins
- Commembers che completeschan egl onn current (2021) 75 onns e ch'ei sil pli pauc 25 onns senza interrupziuns commembers dall'uniun cantunala, daventan commembers libers, quei ein: Rest Tumasch Bundi Weinfelden, Carli Casanova Mustér

### Mutaziuns

Nus havein uonn negins candidats.

Entradas: Clotilda Caviezel Surin, Michael Mosch German Surin,  
Luca Casanova Luven  
Tut ils presents ein d'accord da prender si quels treis sco novs commembers da nossa secziun.

Extradas: Pascal Casanova Lumbrein, Mario Capaul Degen,  
Corsin Casaulta Vella, Hermann Bruder Vella, Carli Caviezel Surcuolm

Mortoris: Sighis Cantieni Rumein, Giosch Caduff Vattiz,  
Meinrad Collenberg Morissen

Tut ils presents seregordan in mument dils commembers che han bandunau nus per adina igl onn vargau.



## 9. Elecziuns per ina perioda d'uffeci da dus onns

### President

Il president Martin Mark ha buca demissionau e vala sco proponius.  
El vegn reeligiun cun in applaus.

### Cau da tgira

Il cau da tgira Daniel Solèr ha demissionau siu post suenter 6 onns. Il president Martin Mark engrazia a Daniel Solèr per la lavur prestada en favur da nossa uniun.  
Sco niev cau da tgira vegn Simon Camenisch proponius dalla suprastanza. Simon Camenisch vegn eligiun dils presents cun in applaus. Il president Martin Mark gratulescha e giavischa tut il bien a Simon Camenisch per siu niev post.

### Cassier

Era il cassier Dario Caduff ha demissionau siu post. Il president Martin Mark engrazia ad el per sia gronda lavur prestada duront 9 onns en favur da nossa uniun.  
La suprastanza propona Selina Camenisch per quei post. Selina Camenisch vegn eligida cun applaus per il post sco nova cassiera.

### Revisur da quen

Marcel Casanova ha buca demissionau sco revisur da quen.  
El vegn proponius e reeligiun cun applaus.

### Suppleant revisur da quen

Sco suppleant revisur da quen vegn Arthur Caduff reeligiun cun in applaus.

### La cumission da tgira

La cumission da tgira vegn eligida mintg'onnn. Ella cumission da tgira ein ils suandonts commembers: Simon Camenisch, Bruno Solèr, Lucas Caduff, Gian Marco Casanova, Marco Casanova, Martin Alig e Ramon Caviezel.

Negin dils commembers ha demissionau. Tut ils commembers vegnan reeligi cun applaus.

Il president engrazia a tut quels ch'ein e restan vinavon en lur uffecis.

## 10. Elecziun dils delegai dalla secziun per il cuoz d'in onn

Quels delegai dalla secziun prendan part alla radunonza dil BKPJV, che ha liug ils 25-05-2024 a Cazis. Ils presents Claudio Bühler, Flurin Caduff, Marius Hublard e Martin Mark van alla radunonza dil BKPJV.



## 11. Diversas informaziuns

Il president Martin Mark ha survegniu in telefon da Lydia Casanova che lavura tier il biro da turissem a Vella. Els fagessen igl onn 2025 bugen in di d'informaziun che porta il tetel "Wildtiere und Jagd". Quei di lessen els informar la popoulaziun indigena ed era quels d'ordeifer davart nos animals selvadis e la catscha. Els han dumandau si nies president, sche l'uniun da catschadurs fuss pronta da segidar en caussa. En tut duvrass ei circa 20 personas che segidassen quei di. L'indemnisaziun per nies agid ei aunc buca sclerida, denton segir buca dapli che 500 francs. Quei di drova ei era restauraziun. Sche nossa uniun fagess quella, fuss il gudogn nos.

Ils detagls davart quei project vegnan aunc elaborai. L'idea fuss da metter divers stans ni posts sil plaz da ballapei da Bual. Il stan da sittar fuss era in post. Leu savess ins era far la restauraziun.

Ord vesta dil president fuss ei ina bun'idea. Nus savessen cun quei project era migliurar empau il maletg dil catschadur e semussar sco secziun ella valada.

Las vuschs ord las retschas ein persunter da segidar sco uniun en favur da quei di d'informaziun. Il BKPJV ha ina responsabla per la lavur publica, che ha experienzias e sa segir aunc dar enqual tip, co instradar quei entir project. Engraziel a Marco Casanova per quella remarca.

Il contract cun Leo Derungs da Camuns ha l'uniun saviu prolunghir.

## 12. Varia

- Il president Martin Mark regala aunc ils presents als consuprastonts che han demissionau lur posts, Dario Caduff e Daniel Solèr.
- Il president Martin Mark engrazia a tuts e terminescha la radunonza allas 20.40 uras. El giavischa a tuts in bien retuorn a casa.  
Il president retscheiva in applaus.

Sevgein, ils 13 da fevrer 2024

L'actuara

Vanessa Derungs